



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: A-181-7/18

Datum: 08.05.2018. godine

Na osnovu čl. čl. 64. stav (1) i 70. Zakona o javnim nabavkama Bosne i Hercegovine („Službeni glasnik BiH“, broj 39/14) i člana 34. Pravilnika o javnim nabavkama Tužilaštva/Tužiteljstva BiH broj: A-97/17 od 25.05.2017. godine v.d. glavnog tužioca Tužilaštva-Tužiteljstva BiH d o n o s i

O D L U K U
o izboru najpovoljnijeg ponuđača

Član 1.

(Predmet odluke)

Ugovor o nabavci opreme za prenos podataka i glasa za potrebe Tužilaštva-Tužiteljstva Bosne i Hercegovine, dodjeljuje se ponuđaču **Sat Experts d.o.o. Sarajevo**.

Član 2.

(Kriterij za dodjelu ugovora)

(1) Ponuda ponuđača iz člana 1. ove odluke zadovoljava sve uslove utvrđene u predmetnom konkurentskom zahtjevu za dostavu ponuda.

(2) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u obavještenju o nabavci i Konkurentskom zahtjevu za dostavu ponuda.

Član 3.

(Stupanje na snagu)

Ova odluka stupa na snagu danom donošenja.

O b r a z l o ž e n j e

Postupak javne nabavke proveden je putem konkurentskog postupka. Obavještenje o nabavci objavljeno je na web portalu: <https://www.ejn.gov.ba/>, broj obavještenja: 435-7-1-304-3-17/18 od 20.04.2018. godine. Primljene su dvije ponude ponuđača: Intervista Consulting d.o.o. sa ponuđenom cijenom od 24.406,00 KM bez uključenog PDV-a i Sat Experts d.o.o. Sarajevo sa ponuđenom cijenom od 24.710,00 KM bez uključenog PDV-a.

Na osnovu Odluke o imenovanju Komisije za provođenje postupaka javnih nabavki Tužilaštva-Tužiteljstva BiH za 2018. godinu, broj: A-534/17 od 27.12.2017. godine i dopune Odluke o imenovanju Komisije za provođenje postupaka javnih nabavki Tužilaštva-Tužiteljstva BiH, broj: A-534-1/17 od 11.01.2018. godine članovi Komisije (u daljem tekstu: Komisija), izvršili su pregled i ocjenu ponuda i utvrdili sljedeće:

- Analizom dostavljenih ponuda i poređenjem istih sa zahtjevima navedenim u Tenderskoj dokumentaciji i Tehničkoj specifikaciji za nabavku opreme za prenos podataka i glasa, broj: A-181-2/18 od 20.04.2018. godine utvrđeno je da je ponuđač **Intervista Consulting d.o.o.** dostavio ponudu koja u tehničkom dijelu ne zadovoljava sve karakteristike tražene Tehničkom

specifikacijom. Naime, Tehničkom specifikacijom u stavci 4. Poe 24 Port Switch za IP telefoniju zahtijevan je minimalni switching Capacity: 52 Gbps, a ponuđač Intervista Consulting d.o.o. je ponudio switching Capacity: 12.8 Gbps što ne odgovara minimalnim zahtjevima traženim Tehničkom specifikacijom.

Shodno naprijed navedenom, ponuda ponuđača Intervista Consulting d.o.o. se smatra neprihvatljivom.

Ponuda ponuđača Sat Experts d.o.o. Sarajevo je u potpunosti prihvatljiva i zadovoljava uslove Tenderske dokumentacije i Tehničke specifikacije.

Shodno navedenom, Komisija je uputila preporuku v.d. glavnog tužioca Tužilaštva-Tužiteljstva BiH za izbor najpovoljnijeg ponuđača.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Uredu za razmatranje žalbi Bosne i Hercegovine putem Tužilaštva-Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od pet dana od dana prijema ove odluke.

Dostavljeno:

- Ponuđačima,
- Odjelu za materijalno-finansijske poslove



V.D.GLAVNOG TUŽIOCA
TUŽILAŠTVA/TUŽITELJSTVA BiH

Gordana Tadić

Gordana Tadić